

1. avuost

Festa da vschinauncha e Festa federela a Samedan

Gövgia, 31. lügl 2025

- a p. 16.00 Cumanzamaint da la festa da vschinauncha cun differentas baunchas da mangiativas e bavrandas, marchio da cudeschs in sela cumünela
- 16.00 Gö da marionettas per iffaunts in sela Puoz: "Chasper e'l prinz dragun"
- 18.00 Gö da marionettas per iffaunts in sela Puoz: "Chasper vo in tschercha dal diamant cotschen"
- a p. 19.00 Sot, musica e buna glüna aint illa tenda granda da festa

Venderdi, 1. avuost 2025

- a p. 10.00 Grand marchio da vschinauncha cun differentas baunchas da mangiativas e bavrandas, marchio da cudeschs in sela cumünela
- 10.00 Cult divin ecumenic illa baselgia da Plaz
- 11.00 Concert da la Societed da musica San Murezzan-Samedan sülla piazza da la Chesa Planta *
- 11.45 **Act festiv:** "Scu cha giuvens talents da sport rapreschaintan la Svizra a l'ester" - ün dialog modero in occasiun da la festa naziunela sülla piazza da la Chesa Planta *, chanzun cumünaivla (Psalm svizzer)
- a p. 13.30 Guida Chesa Planta (rumauntsch: 13.30, tudas-ch: 14.30), gratuit, maximelmaing 12 persunas (chi chi'd es ad ura, po piglier part), per plaschair s'annunzcher: info@chesaplanta.ch
- 16.00 Aperò d'infurmaziun per possessuors da seguondas abitaziuns aint il üert da la Chesa Planta *
- 18.00 **Fin da las festiviteds / fin dal marchio e da las activiteds da las baunchas**
- 20.45 Reuniun pel cortegi tar la posta: Indigens e giasts sun amiaivelmaing invidos. Iffaunts fin 7 ans vaun cun lampiuns, als pü vegls vegnan scumpartidas fuschellas.
- 21.00 **Plazza da festa / Cortegi:** Sunasencha e cortegi davent da la posta, tres vschinauncha fin tar l'Hotel Des Alpes, speravi il Coop e'l Restorant Mamà (ex. Ciao Chao) fin sül pro Sper l'En. Cò vain impizzo ün grand fò da 1. avuost. La vschinauncha offra ün aperò a la populaziun. Zieva il cortegi survegnan ils iffaunts grassins svizzers cun süj.

* In cas da trid'ora haun quists evenimaints lö in sela Puoz.

Indigens e giasts sun amiaivelmaing invidos a la festa. La populaziun vain giavüscheda da decorer las chesas cun binderas. Scu contribuziun a l'imbellimaint da la vschinauncha vegnan ils affers invidos da decorer las vaidrinas seguond il motto "1. avuost".

Raketas e fös artificiels – La vschinauncha da Samedan cussaglia da desister da fös artificiels

La vschinauncha da Samedan cussaglia da desister da fös artificiels. Ella nu resguarda que pü scu adatto al temp ed appellescha perque a la respunsabilitè da minchün e minchüna. Our da quist motiv nu metta la vschinauncha neir a disposiziun üngüna piazza ufficiale per lascher ir fös artificiels. Grazcha fich per l'incletta ed il piglier resguard. .

Il Psalm svizzer (per chanter cumünaivelmaing)

In l'aurora la damaun,
At cugnoscha bain l'umaun,
Spiert etern, Dominatur, Tuotpussaunt!
Cur cha'ls munts straglüschan sura,
ura, liber Svizzer, ura!
!Tia orma sainta ferm:!
Dieu in tschèl, il Bap etern,
Dieu in tschèl, il Bap, il Bap etern.

Eir la saira in splendor
da las stailas in l'azur
At chattains nus, Creatur, Tuotpussaunt!
Cur cha'l firmamaint sclarescha,
in noss cours fidaunza crescha.
!Tia orma sainta ferm:!
Dieu in tschèl, il Bap etern,
Dieu in tschèl, il Bap, il Bap etern.

Tü a nus nun est zuppo,
cur cha'l tschèl in nüvlas sto,
Tü imperscrutabel Spiert, Tuotpussaunt!
Tschèl e terra T'obedeschan,
vents e nüvlas secundeschan.
!Tia orma sainta ferm:!
Dieu in tschèl, il Bap etern,
Dieu in tschèl, il Bap, il Bap etern.